



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 15. De vndecima specie Irregularitatis ex hæresi, & duodecima ex infamia,

[urn:nbn:de:hbz:466:1-78332](#)

gnificatur in cap. Sollicitudo, distin& 52. & in cap. vnico, De Clerico per saltum ordinato, dum dicitur esse cum eo vtendum misericordia, seu dispensandum ab Episcopo. Quia de readuerit ex Nauarro in sequenti num. 241 cum tali, postquam ante dispensationem solemniter, & serio exercuit, siue superiorem Ordinem ad quem per saltum ascendit, siue inferiorem quem prætermisit, solum Papam dispensare posse. Antequam autem exercuerit, post Episcopum dispensare cum ipso ad susceptionem Ordinis omisit; & ad exercitium & illum sic & alterius male suscepit, siue quem scienter, siue ignoranter suscepit; ac etiam ad susceptionem Ordinis superioris, si inferiorum suscepit ignoranter, id est, putans se iam esse ordinatum alio, quem omisit, cum nondum esset. Eadem ex aliis (quos in margine citat) habet Henriquez in *præced.* §.3. Videri quoque potest Suarez tomo 5. disput. 42. num. 5.

Sexta propositio est: Irregulariter fieri Clericum exercendo Ordinem quem non habet, ex cap. i. De clericis non ordinato ministris. Intelligenda est autem ex Nauar. in citato num. 242. cum duplice moderatione. Altera est, ut exercuerit non ioco, sed serio, tanquam initiatus ipso Ordine: prout videntur, qui canit Epistolam cum manipulo; aut qui singens se Sacerdotem, baptizat cum solemnitate confusa, aut confessiones audit. Videndus est Henriquez in *ed. cap. 6. nro. 2.* Altera est, ut exercuerit solemniter, id est, cum apparatu, codemque modo quo solet, Ordinis susceptione ad tale exercitium consecratus.

Adverte vero, quia exercitio minorum Ordinum permisus est non ordinato, perinde ac ordinato, ex D. Thoma in *ad finit. 2.4. quest. 2. art. 2. in fine:* non ordinatum irregulariter, item minime ob illam incurrire ex D. Anton. 3. *par. tit. 28.* in principio. Et ratio est, quod talis non peccet, excusante ipsum Ecclesiæ consuetudine: cui non oblistit consecratio persona ad eos actus exercendos, sicut nec consecratio loci ad Missæ celebrationem, non impedit, quominus Superioris permissione eadem celebratio in loco non consecrato paragi possit.

Iam quod D. Anton. loco citato statuit non modo clericum, sed etiam laicum, si cum solemnitate exercet auctum aliquem Ordinis quo caret, in irregularitatem incurrit, ut exercitio (quod etiam Nauar. loco cit. sentit) etiam si ut virtutis probari potest: contrarium tamen, quod est mitius tenet potest; sicut tenet Angelus, in verbo *Irregularitas. 1. nro. 38. & Rosella. Irregularitas 2. in principio, & Couar. ad Clem. Siurius. 1. par. §. 1. num. 1.* Henriquez in *cit. cap. 6. §. 1.* Namque memoratum cap. 1. De clericis non ordinato ministrante, prout inscriptio indicat, expresse loquitur de clericis. Neque est, quod quis dicat ob identitatem, ut vocant, rationis, extendit ad laicos: quoniam licet ea identitas sit ex parte gravitatis criminis: non tam ex parte pronitatis hominum ad illud. Qui enim de facto aspirant ad superioris Ordines iam initiati minoribus, magis solent proprie esse ad illos exercendos, quam ceteri, qui ne prima quidem tonsura sunt initiati.

Addobiter ex Vgolino *De censuris, tab. I. cap. 14. §. 1. n. 13.* Eum, qui clericus non est, si censura irrectus faciat diuina, non incurrit irregularitatem, quem imponitur per cap. Si quis Episcopus in Concilio, II. quest. 3. & per cap. i. & cap. Is cui, De sententia excommunicati in 6. Nam ea imponitur diuinis facienti ex officio, quod laicus conuenire non potest, ut potest talis officij omnino expertibus.

In hac autem specie irregularitatis, solum Papam dispensare, excepto quod Episcopus possit ad exercendum Ordinem suscepit, habet ex Panorm. *ad cap. 1.* De clericis non ordinato ministris. Nauar. in Enchir. *cap. 27. num. 243.*

Plures irregularitatis ad antedictas à Maiolo adjunguntur, quæ incurrit per indignam Ordinis administrationem: sed quia non sicut sufficiunt testamento, ut videre est apud Suarezum tomo quinto, disput. 42. quest. 5. in iis memorandis non immorabitur.

**

C A P V T X V.

De undecima specie irregularitatis ex heresi. & duodecima, ex infamia.

S V M M A R I V M.

- 193 Quod heretici, & eorumdem credentes, receptatores, defensores & fautores sint irregularares.
 194 Duplex genus infamie, & ex quo incurritur irregularitas.
 195 Tres species infamie, ex qua incurritur irregularitas.
 196 Quando præter Papam Episcopus in talis irregularitate dispensem.
 197 Irregularitas que contrahitur ex ignominia alicuius arius profissione.
 198 Tres conditiones, quibus moderanda est talis pena.
 199 Quid sit sentiendum de aleatoribus.

HÆRETICOS irregularares esse confirmant D. Anton. 3. *par. tit. 28. initio sexti capituli*, per cap. Ventum est, l. quæst. 1. Angelus Irregularitas, l. num. 3. & cum eo Sylvest. eodem verbo, quæst. 5. per cap. Saluberrimum, eadem causa, quæst. 7. Nauar. denum, ut *Ceteros omittam, in Enchir. cap. 27. num. 205.* per cap. Si quis omnem, ead. quæst. 7. & per cap. 2. De hereticis in 6. §. Hæretic. In quo nihil quidem expresse dicitur de Ordinibus, sed tacite ijs satis indicantur per beneficium Ecclesiasticum, & officium publicum (intellige seculari, velut iudicatura, notariatus, & similius: prout glofia ibidem interpretatur) quandoquidem ad reddendum aliquem in republ. Christiana non indignum beneficio Ecclesiastico, vel officio seculari, non est opus tam multis, quam ad reddendum non indignum officio Ordinis: quod est longe dignius, quodq; beneficium Ecclesiasticum respicit tanquam illud cuius exercendi causa instituitur atque confertur. Videndus est Suarez disput. 43. fect. 1.

Ex eodemque *ibidem* addendum, talem irregularitatem habere locum in hæretico per accidentis occulto, seu qui signum externum dederit sua hæresis, sed ita latens, ut non sit, qui aduersus eum in iudicio testari possit. Id quod non obstante quin irregularitas incurritur, patet ex eo quod de eiusdem ratione sit, ut sicut imponitur, ita & incurritur ipsi iure, nec opus sit sententia hominis. Quamquam tamen in contrarium habet Henriquez lib. 14. cap. 4. §. 6. occultum hæreticum, aut apostolam non probant esse irregularem. Cui fuit illud cap. Ad abolendam, §. 2. De hæret. Quicunque manifeste fuerit in hæreti deprehensus, & citatum cap. Saluberrimum; quod agit de abiturione solemnis quæ in scriptis sit: atque in memorato §. Hæretici, aperte supponitur notitia criminis, sine qua nequit impleri quod prescribit. Quæ possunt esse fundamentum sufficiens ad moralem probabilitatem.

Porro idem quod de hæreticis per memoratum paragrum hæretici statuendum est (prout bene declarat Suarez in sequenti fect. 2. num. 5.) De eorumdem creditibus, receptatoribus, defensoribus, & fautoribus, & de filiis ipsorum usque ad secundum gradum, id est, ad filios & nepotes, ut *glossa interpretatur*, in paterna linea: & usque ad primum in materna. Intellige si ipsorum parentes ex hac vita tales, hæreticos inquam, aut hæreticorum credentes, receptatores, defensores, aut fautores, decepsisse comprobentur, iuxta cap. Statutum, *ed. tit. 2. libro.*

In hac irregularitate, sicut & in aliis, quæ ex defectu animi proueniunt, solus Papa dispensat, ex Nauar. in cit. num. 205. Qod verum esse quantumcumque hæresis sit occulta existimat Suarez in citata fect. 1. sub finem, cōgruenter sua sententia paulo ante proposita. Ex quo in sequenti fect. 3. adverte: de apostata fide, idem quod de hæretico esse maiori ratione sentiendum. Atque ad dubium; An si quis exterius tantum, metu aut alia passione adductus, retinensque interius fidem, incurrit in talen irregularitatem, esse affirmatiue respondendum per cap. Presbyteros, distinct. 50. ubi dicitur eos, qui ex timore immolarunt idolis, aut alio si-

mili signo negauerunt fidem, non posse ad sacram ministrium accedere.

Ceterum qui putant schismaticos perinde irregulares esse, ac hereticos, per cap. 1. De schismaticis, & cap. Qui contra, 24. quæst. i. non videntur audiendi: quia cum in illo priori capitulo, solum sit sermo de ordinato à schismatico: & in hoc posteriore, tanta imponatur pœna ciuilis perturbanti pacem Ecclesie, nullo sufficiente fundamento nisi videntur. Quia de re plenius Suarez in cit. secl. 2. §. Quarto extenditur. Plenius quoque in sequenti 3. explicans quod prædictum est, hanc irregularitatem incurre; non tantum patres, sed etiam filios.

194. Quod attinet ad irregularitatem ex infamia notandum est duplex esse genus infamia: unum quod ex vita merito, amoreque in Christum exoritur apud impios: cuius meminit D. Paulus cum in posteriori ad Corinth. cap. 6. ait: Oportere ut exhibeamus nos Dei ministros per gloriam & dignitatem, per infamiam, & bonam famam. Ex hocque non indignus, sed maxime dignus efficitur quis sacris Ordinibus, ut indicat illud Actorum quinto: Iabant Apostoli gaudentes à conspectu consilij, quoniam digni habiti sunt pro nomine Iesu & contumeliam pati.] Alterum genus est, quod ex turpitudine exsurgit apud graues & honestos viros, & hoc inducit irregularitatem, per cap. Infames, 6. quæst. i. & regulam 87. iuris in sexto, Infamibus portæ non patent dignitatum.

195. Eiusque, ex Panorm. ad cap. Testimonium, De testib. nu. 6. tres sunt species. Prima est infamia facti quæ incurrit quoties apud bonos, & graues viros infamatur quis ex aliquo facto: iuxta glossam ad cap. Infames, 3. q. 7. verbo Infamia: & notauit Angelus verbo Infamia, num. 2. & Sylvest. codem verbo. quæst. i. quorum illi bene monet dicta paucorum, vel leuium hominem non facere talem infamiam, quamdiu apud bonos, & graues non fuerit opinio lesa.

Secunda infamia est iuris ciuilis: quæ, ut idem authores docent (& patet ex proxime citato cap. Infames, 5. Porro) incurrit aut per Iudicis ordinari sententiam, qua quis de crimen damatur: aut ipso facto in casibus, in quibus iure cauetur, quod ea incurrit ipso facto. Hos autem esse. Angelus & Sylvest. verique in eodem verbo, q. 5. referunt. Primus, cum Imperator militi auferat insignia, vel mittit aliquem in exilium. Secundus, cum quis exercet improbum facinus, exigens vias & viarum.

Tertius, cum quis deprehenditur in adulterio. Quartus, cum quis contrahit simul cum duabus, vel simul habet duas sponsas. Quintus, cum quis lenocinium exercuit, vel filias, aut neptes prostituit. Sextus, cum quis locauit operas suas, ut pugnaret cum fera.

Tertia infamia est canonica: quæ, ut idem quoque authores habent, causatur ex quocumque peccato mortali, iuxta prius citatum, cap. Infames, 6. quæst. i. (ex quo glossa ad verbum, Fures, id ipsum infert) amplectiturque eam, quæ est iuris ciuilis: quia omnes qui sunt infames secundum leges ciuiles, sunt etiam secundum canones, ex cap. Omnes vero, 6. quæst. i. Et ita ex secunda, perinde atque ex tertia infamie specie irregularitas contrahatur. Contrahit quoq; ex prima specie, Angelus & Sylvest. in verbo, Infamia, num. 3. & hic num. 6. probant, per cap. Tantis Daniel distinct. 81. & cap. Omnipotens Deus, De accusationibus. Sed aduerte requiri in ea re vel sententiam Iudicis declaratoriam, seu quia quis condemnetur de illo crimen propter quod in iure ciuilis, vel canonico notatur infamia; vel evidenter facti, quia ipsa nulla tergiuersatione cœlari possit, aut saltem notoriū sit maiori parti vicinia, vel collegi, aut loci in quo ille degit. Et enim nemo perdit ius famæ nisi per sententiam Iudicis, aut per propriam confessionem in iudicio, aut per evidenter facti.

Ceterum ex Nauart. in Enchir. cap. 27. num. 204. in tali irregularitate solus Papa dispensat: nisi quod Episcopus dispensando super delicto ad quod ipsius facultas dispensandi se extendit, cōsequenter tollat infamiam ex tali delicto provenientem per glossam, ad cap. Domino distinct. 50. verbo, Argue ignominiam, & ad cap. Euphemium, verbo Infamiam, 2. quæst. 3. Idque est quod Sylvester sibi vulnus in verbo Infamia, quæst. i. inquiens Episcopum indirecē tantum dispensare super in-

famia in casibus sibi à iure permis: ut cum quis condemnatus est de adulterio (super quo & aliis criminibus minoribus Episcopum posse dispensare, habetur ex cap. At si, De iudicis, §. De adulteriis: vbi glossa ad verbum. Dispensare, id late explicat) efficitur infamis: atque Episcopus cum eo dispensans super tali criminis, consequenter indirecēque (non autem principaliter, & directe) dispensat in infamia proveniente ex illo. Addit Nauarrus quandoque per ponentiam iustam, & cōdemnationem vita, irregularitatem ex infamia tolli: tunc scilicet, cum tollitur ipsa infamia: quia omnis res per quascumque causas componitur, per easdem disoluuntur.

Porro ut infamiam, sic quæ illi proxime accedit ignominiam aliquid artis profecitionem, omnemque personæ vilitatem inducere irregularitatem, monet Maiolus lib. 3. De irregularitatibus, cap. 1. iuxta glossam ad cap. Nihil, De electione, verbo, Suspenderetur, & argumento cap. De seruorum, & cap. Admittantur, distinct. 54. In quorum priore sub finem habetur, quod iuxta sacros Canones vilis persona manens, sacerdotij dignitate fungi non potest. Cui simile est quod dicitur in cap. Inter dilectos, De excessibus Praelatorum, §. Nos iuxta, in fine: personis vilibus, & indignis portas dignitatis patere non debere, iuxta legitimas functiones.

In quarum personarum numero conguenter cap. Pro dilectione, De consecr. distinct. 2. idem Maiolus numerat. Primo, historiem; nimis, ioculatorem, cytharenum, saltatorem, gladiatorem, stadij cursum, & consimiles, qui mercedis gratia ludibrium suu faciunt. Quod quidem iuxta Syll. in verbo, Infamia, quæst. 5. extendendum est ad cum, quicquid tantum eiusmodi artem aliquam exercuerit. Secundo, numerat illum, qui vilis ignominiam ducit uxorem; nempe repudiatam & eiecātā, meretricem, aut ancillam suam, aut publicis spectaculis manipulatam. De qua re habetur expressus textus in cap. Si quis viduam 2. distinct. 34. Et ratio attingitur in cap. Si quis viduam 1. eadem distinct. quod maritus uxoris vitium, id est, ut ibidem glossa finalis interpretatur, defecatum contrahat, ex illius vilitate, & ignominia vilis, ignominiosusque efficiatur. Tertio, numerat carnisicem, seu macellarium, & tabernarium, quem utrumque pro virili persona haberet secundum functiones Ecclesiasticas, patet ex Clem. 1. De vita & honest. Clericorum. Itemque emundatorem cloacarum, expurgatorem bellum & similes exercentes officia, quæ vilia sunt, & horrorem adferunt, prout tangit glossa a l' eandem Clementinam, verbo, Macellariorum.

Verumtamen ex eodem Maiolo, illad suum monitum temperandum est, tribus conditionib; Prima est ut tantummodo habeat locum in iis qui talia officia exercuerint: non autem in ipsorum prole, quia illa non exercuerit: quoniam ignominias parentum proli, si ipsa est laudabilis, nihil obest quod Ordines: in quibus pescatori Petro, fabri filio, non Augusto succeditur, ut haber glossa ad cap. Quoniam vetus, 24. quæst. i. verbo Inuidia. Secunda est: vt non habeat locum in eo, qui ad edomaniam superbiā talia officia exercuerit, cum inde aptior, magis que idoneus efficiatur ad gerendam animalium curam. Sic Alexander Carbonarius, cum carbonaria exercebat vir doctissimus, opulentis illis foribus, quas caras inducere solet, electus est in Episcopum, ut D. Gregor. Nyssenus scripti in vita Gregorij Thaumaturg. Tertia, ut non habeat locum in mechanicis, qui nihil faciunt turpe, seu quod horrorem incuriat, ut futores, fartoress, fabri lignarij, vel ferrarij, & huiusmodi alii, ut argumento est, quod D. Paulus fuerit tutor tabernaculorum, ex cap. 18. Aetorum.

Postremo numerat aleatores, quos Ecclesia ita auctoratur, ut eos tanquam viles, & indignos ab omni Ecclesiastico beneficio obtinendo excludat, per cap. Inter dilectos, De excessibus Praelatorum: ex quo glossa ad cap. Clerici officia,

De vita, & honestate Clericorum, verbo, Ad alios, probatum, qui publice aletor est, a promotione repellit, seu irregularem esse.

